

## 13. gr.

Hver sem skemmir eða saurgar vatnsæðar vatnsveitunnar, vatnsgeyma, brunahana eða önnur mannvirki, sem heyra vatnsveitunni til, skal greiða fullar bætur samkv. mati tveggja óvilhallra manna, og sæta sektum fyrir.

Hver sá, sem sannur verður að sök, um að taka vatn án heimildar eða á annan hátt en ráð er gert fyrir í þeim tilgangi að losna við að greiða lögmat gjöld fyrir, skal sæta sektum nema þyngri refsing liggji við samkv. hegningarlögunum. Auk þess greiði hann fyrir vatnið eftir mati umsjónarmanns eða vatnsveitunefndar.

## 14. gr.

Skýlt er manni að láta af hendi land sitt, landsafnot og mannvirki í þágu kaupþúsins og þola þær kvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir eftir mati, ef eigi næst samkomulag.

## 15. gr.

Gjalddagi vatnsveitunnar er almanaksárið.

Gjalddagi vatnsskatts er 30. júní ár hvert og greiðist skatturinn í einu lagi fyrir líðandi ár.

Eigandi vatnsskattsskyldrar eignar ber ábyrgð á greiðslu skattsins. Vatnsskattinn má taka lögtaki og er hann tryggður með lögveði í eigninni í næstu tvö ár eftir gjalddaga með forgangsveði fyrir hvers konar sanningsveði og aðfararveði.

## 16. gr.

Brot gegn reglugerð þessari varða sektum allt að kr. 500.00, nema þyngri refsing liggji við að lögum. Með mál út af brotum á reglugerð þessari skal farið sem almenn lögreglumál.

Reglugerð þessi, sem samin er og samþykkt af hreppsnefnd Dalvíkurhrepps, staðfestist hér með samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi felld reglugerð fyrir vatnsveitu Dalvíkur, nr. 256 22. nóvember 1950.

*Félagsmálaráðuneytið, 23. janúar 1963.*

F. h. r.

Hallgrímur Dalberg.

*Jón S. Ólafsson.*

## AUGLÝSING

**um staðfestingu á fundarsköpum fyrir hreppsnefnd Miðneshrepps.**

## 1. gr.

Rétt til setu á fundum hreppsnefndar Miðneshrepps eiga 5 kjörnir hreppsnefndarmenn, auk sveitarstjóra. Þeir ræða og gera ályktanir um sveitarmálefni.

Sveitarstjóri hefur ekki atkvæðisrétt á fundum, nema hann sé jafnframt kjörinn hreppsnefndarmaður.

Varamenn taka sæti á fundum í forföllum aðalmanna samkvæmt gildandi sveitarstjórnarlögum.

## 2. gr.

Á fyrsta fundi hreppsnefndar, að loknum hverjum sveitarstjórnarkosningum, kýs hún sér oddvita og varaoddvita, og fer um kosningu þeirra og starfstíma eftir gildandi sveitarstjórnarlögum, sem og annarra starfsmanna (nefnda), sem hreppsnefnd kýs. Þá skal hreppsnefnd ráða sér fundarritara, og skal hann alla jafnan vera einn hreppsnefndarmanna. Starfstíma hans ákveður hreppsnefnd.

Oddviti stjórnar fundum, og sér um að allt fari fram í reglu og eftir fundarsköpum þessum. Skytt er fundarmönnum að hlýta úrskurði hans, þó má skjóta úrskurðinum til hreppsnefndar, ef vafi leikur á um skilning fundarskapanna.

Varaoddviti gegnir störfum oddvita í forföllum hans.

Fundarritari heldur gerðarbók hreppsnefndar, undir umsjón oddvita, sem sér um, að hún sé rétt og skipulega færð. Þeir fundarmenn, sem mættir eru, skulu undirrita fundargerðina í fundarlok. Hver fundarmaður, sem eigi er samdóma hinum, á rétt á því, að ágreiningsálit hans verði ritað með fáum orðum í gerðarbókina.

## 3. gr.

Sveitarstjóri boðar hreppsnefndarfundi, á þeim stað og stund, er hann ákveður.

Fundir hreppsnefndar eru tvenns konar, reglulegir fundir og aukafundir. Reglulega fundi skal halda einu sinni í mánuði hverjum, hinn fyrsta mánudag hvers mánaðar kl. 20 síðd., og skulu þeir eigi standa lengur en til kl. 24, nema hreppsnefnd samþykki framlengingu þeirra.

Farist reglulegur fundur vegna helgi umræddan dag, eða af öðrum ástæðum, skal hann haldinn einhvern næsta virkan dag þar á eftir.

Aukafundi skal halda svo oft sem sveitarstjóra þykir þörf vera á. Þá skal og jafnan boða til aukafunda, ef oddviti eða tveir hreppsnefndarmenn æskja þess.

Aukafundi skal eigi boða með minni fyrirvara en þrem klst.

## 4. gr.

Sveitarstjóri ákveður dagskrá fundanna, í samráði við oddvita. Röð mála á henni getur hreppsnefnd breytt með ályktun sinni, svo og fellt mál af dagskránni. Einnig getur hún ákveðið með samþykki allra hreppsnefndarmanna, að mál, sem eigi er á dagskrá verði tekið á hana.

Sveitarstjóri má ekki taka neitt erindi á dagskrá reglulegs fundar, nema það sé komið til hans á hádegi næsta fimmtudag fyrir fund. Skal hann í síðasta lagi kl. 16 daginn eftir senda öllum hreppsnefndarmönnum dagskrá, er greini erindi þau, sem fyrir fundinn eiga að koma.

Hverjum hreppsnefndarmanni er heimilt að krefjast þess, að ákveðið mál verði tekið á dagskrá fundar, en skytt er honum að gera það skriflega, og með þeim fyrirvara sem fyrr greinir.

Þegar lagðar eru fram gerðir fastra nefnda, er starfa á vegum hreppsins, skal útdráttur úr fundargerð þeirra fylgja dagskránni.

## 5. gr.

Hreppsnefnd skal hafa tvær umræður, með a. m. k. einnar viku millibili um eftirtalin málefni:

- a. Hina árlegu fjárhagsáætlun hreppsins.
- b. Ársreikninga hreppsins og fyrirtækja hans.
- c. Reglugerðir, sem hljóta eiga staðfestingu ráðherra, eða sýslunefndar.
- d. Beiðnir um aðstoð til handa hreppnum.

Rétt er við síðari umræðu fjárhagsáætlunarinnar, að hún sé rædd lið fyrir lið og greidd atkvæði um hana þannig, og síðan áætlunina í heild.

## 6. gr.

Fundir hreppsnefndar skulu haldnir í heyrandi hljóði, ef tveir hreppsnefndarmenn krefjast þess í tæka tíð. Dagskrá slíkra funda skal boðuð með uppfestum auglýsingum, með sama fyrirvara og gildir um dagskrártilkynningar til hreppsnefndarmanna.

Áheyrendur á slíkum fundum eru skyldir að vera kyrrir og hljóðir og mega ekki láta í ljós ánægju sína né vanþóknun, um það sem á fundi gerist. Brjótí nokkur á móti þessu, getur oddviti látið visa honum út úr fundarsalnum, og ef þörf gerist látið ryðja salinn.

Sveitarstjóri eða hreppsnefndarmaður getur óskað þess, að mál sé rætt fyrir luktum dyrum, og sker hreppsnefnd úr um það, með afli atkvæða, hvort svo skuli gert. Hvorki sveitarstjóri eða hreppsnefndarmenn mega skýra óviðkomandi aðilum frá umræðum eða atkvæðagreiðslu í þeim málum, er rædd eru þannig fyrir luktum dyrum.

## 7. gr.

Fundarmaður, sem taka vill til máls, skal snúa sér til oddvita og leyfir hann venjulega fundarmönnum að taka til máls í þeirri röð, er þeir æskja. Þó má hann breyta út af því, er til framsögumanns eða flutningsmanns kemur, svo og til þess, að umræður með eða móti málefni skiptist á, eða til þess að fundarmaður geti gert stutta leiðréttingu eða athugasemd, er snertir hann sjálfan.

Biðji fleiri sér hljóðs jafnsnemma, ræður oddviti í hverri röð fundarmaður skuli taka til máls.

## 8. gr.

Sveitarstjóri hefur á fundum óbundið málfrelsi, en gæta skal hann fundarskapa. Flutningsmaður máls má ekki tala oftari en þrisvar við hverja umræðu máls, og aðrir hreppsnefndarmenn ekki oftari en tvisvar. Þó er fundarmanni heimilt að biðja sér hljóðs, til að bera af sér ámæli, gera stutta fyrirspurn, athugasemd um atkvæðagreiðslu, eða gæzlu fundarskapa.

Ræðumaður skal standa við sæti sitt meðan hann flytur mál sitt.

## 9. gr.

Ræðumaður skal halda sér við það mál, sem til umræðu er. Hann skal varast að meiða menn eða hafa ósæmileg orð, ef hann bregður út af þessu, skal oddviti víta það og nefna ummælin. Nú er fundarmaður víttur tvisvar á sama fundi og má þá oddviti með samþykki hreppsnefndarmanna, svipta hann málfrelsi á þeim fundi.

## 10. gr.

Sveitarstjóri og sérhver hreppsnefndarmaður hefur rétt til að bera upp tillögur og breytingartillögur við það mál, sem til umræðu er. Tillögur skulu vera skriflegar, og skal veittur hæfilegur tími til að semja þær.

## 11. gr.

Ef umræður um eitt málefni dragast um skör fram, getur fundarmaður óskað eftir að þeim verði hætt og sker hreppsnefnd úr um það umræðulaust.

## 12. gr.

Ekki má hreppsnefnd gera ályktun um nokkurt mál, nema meir en helmingur hreppsnefndarmanna séu á fundi og greiði atkvæði um það.

## 13. gr.

Enginn hreppsnefndarmaður má greiða atkvæði um fjárveitingu til sjálfs sín, eða í máli, sem varðar hagsmunum hans sérstaklega. Honum er þó heimilt að skýra

málið af sinni hendi. Hreppsnefnd sker úr því umræðulaust, hvort mál er svo vaxið, sem nú var sagt.

## 14. gr.

Oddviti ræður því, hvornig atkvæðagreiðslu er skipt og í hverri röð og innra sambandi hún fer fram. Þó getur hreppsnefnd, ef meiri hluti hennar krefst þess, breytt ákvörðun oddvita. Krefjast má, að atkvæðagreiðslu um tillögu sé skipt.

## 15. gr.

Afl atkvæða ræður úrslitum mála. Verði atkvæði jöfn, telst ályktun fallin, en um kosningar ræður hlutkesti. Skytt er hverjum hreppsnefndarmanni að vera viðstaddur atkvæðagreiðslu og taka þátt í henni, nema hann hafi lögmet forföll, hafi hann verið á fundi, þegar ályktunin var rædd.

## 16. gr.

Nú er mál útrætt, og skal þá gengið til atkvæða. Atkvæðagreiðsla fer venjulega þannig fram, að hver hreppsnefndarmaður réttir upp aðra hönd sína.

Nafnakall skal viðhafa, ef einn hreppsnefndarmanna óskar þess áður en til atkvæðagreiðslu kemur, svo og ef atkvæðagreiðsla þykir óglögg. Við nafnakall greiðir oddviti síðastur atkvæði.

## 17. gr.

Auk fastra nefnda, sem hreppsnefnd kýs, hefur hún rétt til að setja nefnd í það mál, sem á dagskrá er. Fer um kosningu þeirra eins og fastra nefnda, eftir gildandi sveitarstjórnarlögum, eins og segir í 2. gr. fundarskapa þessara.

## 18. gr.

Hreppsnefnd skal að öllu jöfnu leita umsagnar viðkomandi nefnda, um einstök mál, áður en hún endanlega afgreiðir þau.

## 19. gr.

Formenn nefnda kalla þær saman. Ef eigi er sjálfkjörinn formaður í nefnd, kallar sá nefndina saman í fyrsta sinn, sem flest fékk atkvæði við nefndarkosninguna.

Á fyrsta fundi hvernar nefndar skal hún kjósa sér formann og ritara.

Formenn nefnda kalla þær síðan saman og hafa þeir á hendi stjórn á fundum þeirra.

Ritarar nefndar rita fundargerðir þeirra, og er þeim skytt, að skila til hreppsnefndar úrdrætti úr þeim.

Um leið og nefnd lýkur starfi, kýs hún sér úr hópi nefndarmanna framsögumann. Minni hlutar nefnda hafa framsögurétt.

## 20. gr.

Skrá yfir fastar nefndir skal jafnan vera fest upp í fundarsal hreppsnefndar.

## 21. gr.

Sveitarstjóri sér um afgreiðslu og framkvæmd allra mála, sem hreppsnefnd, eða fastar nefndir gera ályktun um, nema að þau séu af hreppsnefnd falin einstökum mönnum.

## 22. gr.

Ef vafi leikur á, um hvornig beri að skilja fundarsköp, sker hreppsnefnd úr um það.

## 23. gr.

Afbrigði frá fundarsköpum þessum getur hreppsnefnd gert í einstökum tilfellum, þegar nauðsyn þykir bera til, ef meiri hluti mættra hreppsnefndarmanna samþykkir það.

## 24. gr.

Til breytingar á fundarsköpum þessum þarf umræður á tveim fundum hreppsnefndar, meiri hluta greiddra atkvæða og staðfestingu ráðherra.

Fundarsköp þessi, sem samin eru og samþykkt af hreppsnefnd Miðneshrepps, staðfestist hér með samkvæmt sveitarstjórnarlögum nr. 58 29. marz 1961, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 23. janúar 1963.*

**Emil Jónsson.**

*Hallgrímur Dalberg.*

Nr. 18.

## REIKNINGUR

### Minningargjafasjóðs Landsspítala Íslands 1962.

#### Tekjur:

1. Eign sjóðsins 1. janúar 1962 .....	kr. 2209265.30
2. Minningargjafir afh. 1962 .....	kr. 3682.50
3. Samúðarskeyti Landssímans .....	— 344330.67
	— 348013.17
4. Greiddir vextir .....	— 196957.39
5. Útdregin verðbréf 1962:	
a. Veðdeildarbréf Landsbankans .....	kr. 14000.00
b. Skuldabréfalán Siglufjarðarkaupstaðar 1943 .	— 5000.00
c. Byggingarsamv. félag starfsm. Stjórnarráðsins .	— 3000.00
	— 22000.00
	<b>Kr. 2776235.86</b>

#### Gjöld:

1. Styrkveitingar til sjúklinga 1962 .....	kr. 101698.00
2. Önnur gjöld, sbr. forskj. 1—19 .....	— 21099.70
3. Til jafnaðar tekjulið 5 .....	— 22000.00
4. Eign sjóðsins 1. janúar 1963:	
a. Hlutabréf í Eimskipafélagi Íslands .....	950.00
b. Veðdeildarbréf Landsbankans .....	— 40000.00
c. Innanríkislán Sogsvirkjunar 1951 .....	— 15000.00
d. Byggingarsamvinnufélag starfsm. Stj. ráðsins	— 22000.00
e. Skuldabréfalán Siglufjarðarkaupstaðar 1943	— 5000.00
f. Bankainnstæður .....	— 2520033.16
g. Hjá gjaldkera sjóðsins .....	— 28455.00
	— 2631438.16
	<b>Kr. 2776235.86</b>